

КОМИ РЕСПУБЛИКАСА КАНАЛАН СӨВЕТЛӨН  
ШУӨМ

**Йӧзлысь дзоньвидзалун видзан, вынйӧр сӧвмӧдан да спорт юалӧмъяс серти Коми Республикаса Каналан Сӧветлӧн пыр уджалысь комиссия йылысь положение йылысь**

Коми Республикаса Каналан Сӧвет шуис:

1. Вынсьӧдны Йӧзлысь дзоньвидзалун видзан, вынйӧр сӧвмӧдан да спорт юалӧмъяс серти Коми Республикаса Каналан Сӧветлӧн пыр уджалысь комиссия йылысь положение содтӧд серти.
2. Тайӧ Шуӧмыс вынсялӧ сійӧс примитан лунсянь.

Коми Республикаса

Каналан Сӧветӧн

Веськӧдлысьӧс Медводдза вежысь

А.П. Макаренко

Сыктывкар

2020 вося йирым тӧлысь 20 лун

VII-1/69 №

Коми Республикаса  
Каналан Сöветлөн  
2020 вося йирым тöлысь 20 лунся  
VII-1/69 №-а  
Шуём дорö  
содтöд

**Йöзлысь дзоньвидзалун видзан, вынйöр сöвмöдан да спорт  
юалöмъяс серти Коми Республикаса Каналан Сöветлөн  
пыр уджалысь комиссия йылысь**

**ПОЛОЖЕНИЕ**

I. Панас

1. Коми Республикаса Оланподув, «Коми Республикаса Каналан Сöвет йылысь» Коми Республикаса Оланпас, Коми Республикаса Каналан Сöветлөн Уджаланарт серти Коми Республикаса Каналан Сöвет (водзö – Каналан Сöвет) артмöдö Каналан Сöветса депутатъяс лыдысь Каналан Сöветлөн уджалан торъя нырвизьяс серти Каналан Сöветлысь пыр уджалысь комиссияяс.

2. Каналан Сöвет артмöдö Йöзлысь дзоньвидзалун видзан, вынйöр сöвмöдан да спорт юалöмъяс серти Коми Республикаса Каналан Сöветын пыр уджалысь комиссия (водзö – комиссия).

3. Комиссия уджалö Россия Федерацияса Оланподув, Коми Республикаса Оланподув, федеральной оланпасъяс да Коми Республикаса оланпасъяс подув вылын, аслас уджын подуласьö Каналан Сöветлөн Уджаланарт, Каналан Сöветлөн шуёмъяс да тайö Положение вылö.

II. Комиссиялөн уджын медшöр нырвизьяс

4. Комиссиялөн уджө пырöны мероприятиея дасьтöм да збыльмöдöм, сы лыдын оланпас лöсьöдан удж нуöдöм, кутшöмьясöс веськöдöма сы вылö, медым збыльмöдны канму политикасö:

- 1) йöзлысь дзоньвидзалун видзан юкöнын;
- 2) лекарствоөн могмöдан юкöнын;
- 3) санаторно-курортнöя бурдöдан юкöнын;
- 4) медицинскöя быть страхуйтан юкöнын;
- 5) олысьяслысь санитарнöй да эпидемиология боксянь бур олöмсö могмöдан юкöнын;
- 6) вынйöр сöвмöдан да спорт юкöнын.

### III. Комиссиялөн уджмогьяс

5. Сы могысь, медым пöртны олöмö тайö Положениеса II юкöдын индöм уджсö, комиссия:

- 1) дасьтö да водзвыв видлалö аслас удж серти инöда акт балаяс;
- 2) вермö вöзйыны аслас удж серти оланпасьяс;
- 3) видлалö аслас удж серти нормативнöй акт балаяссö, кутшöмьясöс Каналан Сöветö пыртöмаöсь оланпас вöзйысь инöда мукöд субъект, да ыстö Каналан Сöветö тайö балаяс вылö отзывьяс;
- 4) урчитöм пöрадокын чукöртö да видлалö-туялö юöрсö да юöртö Каналан Сöветö йöзлысь дзоньвидзалун видзан, вынйöр сöвмöдан да спорт юкöнын мытшöдьяс йылысь, тайö юкöнын гражданалысь инöдьяс торкалöм йылысь;
- 5) урчитöм пöрадокын пыртö Коми Республикаса олöмö пöртысь власьт органьясö аслас удж серти вöзйöмьяс;
- 6) котыртö Каналан Сöветөн нуöдан парламентскöй кывзöмьяс, «гöгрöс пызаньяслысь» заседаниеяс, аслас удж серти конференцияс да мукöд мероприятие, дасьтö найöс нуöдан бöртасьяс серти лöсялана рекомендацияс;

7) видзодё аслас удж серти комиссиялысь помшудомьяс да Каналан Сöветөн Вескöдлысьлысь да сийöс вежысьяслысь тшöктöмьяс олöмö пöртöм бöрся;

8) видлалö аслас удж серти гражданылысь да организациялысь вöзйöмьяс да шыöдчöмьяс, кутшöмьясöс сетöма тайö Положениелөн 8 пунктса 6 пунктсуд серти;

9) пöртö олöмö ассьыс удж котыртан могьяссö;

10) юöртö Каналан Сöветса Аппаратлөн йöзкöд йитöдьяс кутан да йöзöс юöртан средствояскöд öтув уджалан юкөнö аслас удж йылысь;

11) öтув уджалö Каналан Думаса да Россия Федерацияса Федеральнöй Собраниелөн Федерация Сöветса комитетьяскöд, Коми Республикаса олöмö пöртысь власьт органьяскöд, Коми Республикаса канму органьяскöд, федеральнöй олöмö пöртысь власьт органьяслөн мутас органьяскöд, меставывса асвескöдлан органьяскöд, öтйöза öтмунöмьяскöд, мукöд организациякöд аслас удж серти;

12) збыльмöдö аслас удж серти мукöд уджмог.

6. Сы могысь, медым збыльмöдны ассьыс уджмогьяссö, комиссия вермö:

1) Россия Федерацияса оланпастэчас да Коми Республикаса оланпастэчас серти корны да босьтны юалöмьяс дасьтöм да комиссиялөн заседание дырйи найöс видлалöм вылö колана документьяс, тöдмөгьяс, юöртан, аналитическöй да мукöд материал Коми Республикаса олöмö пöртысь власьт органьяссянь, Коми Республикаса канму органьяссянь, учреждениеяссянь да организацияяссянь, сы лыдын öтйöза öтувьяссянь;

2) корны аслас уджö организациясöс, наука учреждениеясöс, велöдан организациясöс, торья туялысьясöс да специалистьясöс;

3) йöзкöд öтув видлавны юалöмьяс, кутшöмьяс пырöны сылөн уджö да кутшöмьяс лöбны йöзлы коланаөн;

4) пыртны комиссиялөн удж серти вöзйöмьяс да рекомендацияс Каналан Сöветса мукöд органö, Коми Республикаса олöмö пöртысь власьт

органьясö, Коми Республикаса канму органьясö, меставывса асвеськöдлан органьясö, öтйöза öтувьясö;

5) корны аслас заседаниеяс вылö Коми Республикаса олöмö пöртысь власьт органьясса, учреждениясса да организациясса, сы лыдын öтйöза öтувьясса, чина йöзöс.

#### IV. Комиссиялысь уджсö котыртöм

7. Комиссияөн юрнуöдö комиссияөн веськöдлысь, кодi збыльмöдö ассьыс уджсö уджсикас серти пыр подув вылын.

8. Комиссияөн веськöдлысь:

1) котыртö комиссиялысь удж планируйтöмсö да могмöдö сылысь уджсö;

2) чукöртö комиссиялысь заседаниеяссö да дасьтö заседаниеяс кежлö материальяссö;

3) веськöдлö комиссиялөн заседаниеяс дырйи да индö юалöмьяс видлалан пöрадоксö;

4) кырымалö комиссиялысь помшуöмьяссö, комиссиялөн заседаниеяслысь сёрнигижöдьяссö;

5) ыстö комиссиялөн уджкöд йитчöм документьяссö, материальяссö комиссияö пырысьяслы;

6) Каналан Сöветөн Веськöдлысьлөн тшöктöм серти видлалö комиссиялөн удж серти гражданасянь да организацияссянь комиссияö воöм вöзйöмьяссö да шыöдчöмьяссö, сетö на вылö вочакывьяс, примитö татшöм шыöдчöмьяссö комиссиялөн заседание дырйи видлалöм йылысь помшуöм;

7) корö пырöдчыны комиссиялөн заседаниеясö канму власьт органьясöс, канму органьясöс да öтйöза öтувьясöс петкöдлысьясöс, специалистьясöс, туялысьясöс да мукöд йöзöс;

8) пырöдчö Каналан Сöветса Президиумлөн да коланлун дырйи

Каналан Сöветса мукöд органлөн уджö;

9) петкöдлö комиссиясö канму власьт органьяскöд, канму органьяскöд, меставивса асвеськöдлан органьяскöд да öтйöза öтувьяскöд, мукöд организациякöд йитöдьясын юалöмьяс серти, кутшöмьясöс тайö Положениеөн пыртöма комиссиялөн уджö;

10) котыртö комиссиялөн удж йылысь йöзöс юöртан средствоясын юöртöмсö да выступайтö комиссия нимсянь йöзöс юöртан средствоясын;

11) котыртö комиссиялысь помшүөмьяс олöмö пöртöм серти уджсö;

12) юöртö комиссиялысь помшүөмьяссö збыльмöдöм йылысь, а сідзжö Каналан Сöветлөн удж йылысь комиссияö пырысьяслы;

13) котыртö Каналан Сöветса мукöд органкöд öтувьяс уджсö;

14) вермö кырымавны аслас компетенцияын комиссиялөн удж серти документьяс;

15) индö комиссияö мукöд пырысьлысь кывкутана могьяссö;

16) сетö Каналан Сöветлөн заседаниеяс дырйи комиссиялысь да Каналан Сöветса мукöд органлысь проектьяс, оланпас вöзйöмьяс, помшүөмьяс комиссиялөн уджö пырысь юалöмьяс серти;

17) урчитöм пöрадокын сетö комиссиялөн удж йылысь отчётьяс;

18) сылөн эм комиссия уджö пырысь юалöмьяс серти мукöд уджмог.

9. Сэк, кор комиссияөн веськöдлысьыс недыр кад чöж абу (висьöм, отпуск), сылысь кывкутана могьяссö пöртö олöмö комиссияö пырысьясысь öти. Та дырйи комиссия примитö лöсялана помшүөм да индö юалöмьяссö, кутшöмьясöс колö збыльмöдны комиссияөн веськöдлысьлысь кывкутана могьяс олöмö пöртысьлы.

10. Комиссиялысь уджсö инöд, юөр чукöртöм-доньялöм, документация, котыртöм да технической да мукöд боксянь могмöдöны Каналан Сöветса Аппаратлөн лöсялана тэчас юкöдувьяс.

## V. Комиссиялөн уджалан пöрадок

11. Комиссия збыльмөдө ассыс уджсө Каналан Сөветса мероприятиеяслон быдвося да быдтөлысса планъяс да комиссиялон уджалан ылөса планъяс серти.

12. Комиссиялон медшөр уджаланногон лоө комиссиялон заседание.

13. Комиссиялысь заседаниеяссө нуөдөны коланлун дырйи.

14. Комиссиялысь заседаниеяссө вермөны нуөдны дистанционнөя Коми Республикаын видеоконференцсвязь системаон вөдитчөмөн.

15. Комиссиялысь заседание нуөдан лунсө, кадсө, инсө, сылысь плансө индө комиссияон веськөдлысь да наон төдмөдөны Каналан Сөветса депутатъясөс – комиссияө пырысьясөс.

16. Комиссиялон заседание ылө корөм йөзлы юөртөны комиссиялысь заседание нуөдан лун, кад да ин йылысь комиссиялон заседание лунөдз 7 лунысь оз сёрджык.

17. Комиссиялон заседаниеяс ылө вермөны локны сөвещательнөй гөлөс инөдөн Коми Республикаса Юралысь, Каналан Сөветон Веськөдлысь да сийөс вежысьяс, Каналан Сөветса депутатъяс, кодъяс сэтчө оз пырны, а комиссияон веськөдлысьөн корөм серти сідзжө вермөны локны Коми Республикаса олөмө пөртысь власьт органъясөн, Коми Республикаса канму органъясөн юрнуөдысьяс либө индөм юрнуөдысьясөн уполномочитөм йөз, мукөд йөз. Та дырйи Коми Республикаса Юралысьлөн да Каналан Сөветон Веськөдлысьлөн эм сөвещательнөй гөлөс инөд комиссиялон заседание дырйи видлалан став юалөм серти, мукөд йөзлөн – налөн уджкөд йитчөм юалөмъяс серти.

18. Комиссиялон заседание ылө вермөны корны йөзөс, кодъяслы инмө заседание дырйи видлалан юалөмыс.

19. Комиссиялон заседаниеө пырөдчөны Каналан Сөветлөн Аппаратса уджалысьяс. Комиссиялон заседание ылө вермөны корны экспертъясөс, а сідзжө колана организациясөс, йөзөс юөртан средствоясөс петкөдлысьясөс.

20. Комиссиялон заседаниеөдз 5 лунысь оз сёрджык сыөн

веськөдлүсү ысто комиссияю пырысыяслы да корөмаяслы став пасйөдсө, вөзйөмсө, мый эм, юалөмьяс серти экспертизаяслысь бөртасыяссө, кутшөмьясөс кутасны видлавны комиссиялөн заседание дырйи.

21. Комиссиялысь водзвыв урчиттөм заседаниесө чукөртө комиссиялөн веськөдлүсү аслас водзмөстчөм серти либө Каналан Сөветөн Веськөдлүсүлөн, сийөс вежысыяслөн тшөктөм серти, либө комиссияю пырысыяслөн өтувья лыдысь медэтша вылө коймөд юкөнлөн корөм серти. Комиссиялөн водзвыв урчиттөм заседание йылысь сыөн веськөдлүсү юөртө комиссияю пырысыяслы, заседаниеө мукөд пырөдчысылы сыөдз кык суткыысь оз сөрджык.

22. Комиссия вермө нуөдны пөдса заседаниеяс. Комиссиялөн веськөдлүсү урчитө комиссиялысь пөдса заседание нуөдан пөрадоксө.

23. Комиссия Каналан Сөветөн Веськөдлүсүкөд сөрнитчөмөн вермө нуөдны аслас удж серти выездной заседаниеяс. Комиссиялөн веськөдлүсү индө выездной заседаниелөн сөрнитанторлысь юалөмьяссө, сийөс нуөданінсө да нуөдан пөрадоксө Каналан Сөветөн Веськөдлүсүкөд сөрнитчөмөн.

24. Комиссиялөн заседаниеыс лоө тыр вынаөн сэк, кор сы вылө локтисны комиссияю пырысыяслөн өтувья лыдысь джынсыыс унджыкыс.

25. Комиссиялысь заседаниесө нуөдө комиссиялөн веськөдлүсү либө комиссияю пырысь сылөн тшөктөм серти. Заседаниесө заводиттөдз веськөдлүсү юөртө комиссияю пырысыяслы заседание вылө корөм йөз йылысь. Веськөдлүсү кырымалө комиссиялөн заседаниелысь сөрнигижөдсө.

26. Комиссиялөн заседаниеын коставлөмьяслысь кадсө да кузьятасө индөны комиссияю унджык пырысылөн, кодьяс эмөсь заседание вылын, сөгласлун серти.

27. Комиссиялөн заседание планө пыртөм юалөм серти видлалөмө да помшуөм примитөмө пырө:

1) видлалан юалөм серти доклад;



- 2) юаломъяс вылө докладчиклөн вочакывъяс;
- 3) комиссияө пырысьяслөн видзөдласъясөн вежсьом;
- 4) видлалан юалом серти пасйөдъяссө, вөзйөмъяссө, экспертизаяслысь бөртасъяссө видлалөм да сөгласуйтөм;
- 5) помшүөм примитөм.

28. Сэк, кор докладчик оз вермы ачыс лыддыны докладсө, сылы быть колө юөртны та йылысь комиссияөн веськөдлысьлы. Докладчиккөд сёрнитчөмөн юалөмсө вермө лыддыны комиссияөн веськөдлысь либө комиссияө мөд пырысь.

29. Комиссия видлалан юалөмъяс серти комиссияө пырысьяс лыдысь, кодъяс эмөсь заседание вылын, унджык гөлөсөн примитө помшүөмъяс, а сэк, кор урчитөма тайө положениеөн, сетө отзываетьяс.

30. Торъя случайясын комиссияөн веськөдлысьлөн помшүөм серти комиссиялысь помшүөмсө вермөны примитны комиссияө пырысьясөс юасьомөн. Помшүөмсө лыддыны примитөмаөн сэк, кор сийөс примитөм вөсна гөлөссө сетөны комиссияө пырысьяслөн отувья лыдысь джынсьыс унджыкыс. Та дырйи комиссиялөн заседаниеса сёрнигижөд дорө содтөны комиссиялысь помшүөм бала сөгласуйтан материалъяс.

31. Каналан Сөветлөн заседание дырйи видлалан юалөмъяс серти комиссиялысь помшүөмъяссө юөртөны Каналан Сөветө Каналан Сөветлөн заседание дырйи кывкутан комитетөн веськөдлысь лөсялана юалөм видлалігөн, а коланлун дырйи комиссияөн веськөдлысь либө комиссияө уполномочитөм пырысь. Комиссиялысь мукөд помшүөмсө юөртөны Каналан Сөветөн Веськөдлысьлы, колана йөзлы, а Каналан Сөветөн Веськөдлысьлөн тшөктөм серти Каналан Сөветса став депутатлы да мукөд йөзлы.

32. Комиссия збыльмөдө асьыс уджсө йөзлы восьсөн, юөртө йөзкотырлы аслас помшүөмъяс йылысь да найөс олөмө пөртөм йылысь йөзөс юөртан средствоясын.

33. Сы могысь, медем дасьтыны аслас уджалан нырвизьяс серти

торья юалӧмьяс, комиссия Каналан Сӧветлӧн Уджаланарт серти вермӧ артмӧдны комиссияӧ пырысьяс лыдысь недыр кад чӧж уджалысь группаяс.

34. Недыр кад чӧж уджалысь группаяс сёрнитчӧмӧн вермӧны корны асланыс уджӧ Коми Республикаса олӧмӧ пӧртысь власьт органьясӧс, Коми Республикаса канму органьясӧс, меставывса асвеськӧдлан органьясӧс, ӧтйӧза ӧтувьясӧс, наука учреждениеясӧс петкӧдлысьясӧс, а сідзжӧ специалистьясӧс да экспертьясӧс.

35. Недыр кад чӧж уджалысь группаяс артмӧдӧмсӧ оформитӧны комиссиялӧн помшудӧмӧн.

36. Сэк, кор колӧ, недыр кад чӧж уджалысь группаяслӧн уджалан бӧртасьяс серти комиссия:

1) юӧртӧ удж серти бӧртасьяссӧ Коми Республикаса Юралысьлы, Каналан Сӧветӧ;

2) дасьтӧ рекомендацияс да ыстӧ найӧс Коми Республикаса олӧмӧ пӧртысь власьт органьясӧн, Коми Республикаса канму органьясӧн, меставывса асвеськӧдлан органьясӧн, учреждениеясӧн да организациясӧн юрнуӧдысьяслы;

3) дасьтӧ Коми Республикаса оланпас, Каналан Сӧветса инӧда акт балаяс, индӧм балаяс дорӧ вӧзйӧмьяс;

4) комиссиялӧн уджмогьяс серти котыртӧ мукӧд мероприятие нуӧдӧмсӧ.

## VI. Комиссияӧ пырысьяслӧн инӧдьяс да кывкутана могьяс

37. Комиссияӧ пырысьяслӧн инӧдьясыс ӧткодьӧсь, кутшӧмьяс могмӧдӧны комиссиялӧн уджӧ налысь зӧля пырӧдчӧмсӧ, найӧ збыльмӧдӧны комиссия да Каналан Сӧвет водзын кывкутана могьяссӧ, кутшӧмьяс артмӧны тайӧ Положение, Каналан Сӧветлӧн Уджаланарт серти, кывкутӧны асланыс уджлӧн окталун вӧсна.

38. Комиссияӧн веськӧдлысь кывкутӧ комиссия уджлӧн окталун

вöсна.

39. Комиссияö пырысьяслөн эм инöд:

1) найöс комиссияөн артмöдöм кöть кутшöм уджалан группаö пыртöм вылö;

2) комиссияөн видлалан став юалöм серти вына гöлöс вылö;

3) комиссияөн видлалöм вылö юалöмъяс вöзйöм, комиссиялөн заседание план серти, комиссияөн видлалан юалöмъяссö видлалан пöрадок да налөн сюрöс серти вöзйöмъяс да пасйöдъяс пыртöм вылö;

4) комиссияөн видлалан юалöмъяс сёрниö пырöдчöм, асьыс вöзйöмъяссö подулалöмөн да гöлöсуйтöм серти выступайтöм вылö;

5) сэк, кор найö абу сöгласöсь комиссиялөн помшуймөн, асьыс видзöданногсö торъя видзöдласөн юöртöм вылö, кутшöмöс коланлун дырйи вермöны сетны гижöмөн, а сіджö Каналан Сöветса депутат ачыс вермö юöртны Каналан Сöветса мукöд органлөн заседаниеяс да Каналан Сöветлөн заседаниеяс дырйи;

6) аслас водзмöстчöм серти либö комиссиялөн тшöктöм серти места вылын комиссиялөн уджкöд йитчöм юалöмъяс туялöм, Коми Республикаса олöмö пöртысь власьт органъяслысь, Коми Республикаса канму органъяслысь, меставывса асвеськöдлан органъяслысь, учреждениеяслысь да организацияяслысь, гражданалысь вöзйöмъяс öтвывтöм да комиссияö аслас кывкöртöдъяс йылысь юöртöм вылö;

7) Каналан Сöветлөн Аппаратса да (либö) сылөн тэчас юкöдувьясса уджалысьясянь котыртöм да методика боксянь колана отсöг, справочной материалъяс босьтöм вылö.

40. Каналан Сöветса депутатъясöс, кодъяс уджалöны шöр уджысь ордчывтöг, комиссиялөн заседаниеясö налөн пырöдчан либö комиссиялысь тшöктöмъяс збыльмöдан кадколаст кезлö мездöны шöр уджаланін либö служитанін серти производственной либö служебной кывкутана могъяс збыльмöдöмысь «Коми Республикалөн Каналан Сöветса депутатлөн статус йылысь» Коми Республикаса Оланпас серти.

41. Комиссияӧ пырысьяслы быть колӧ:

1) пырӧдчыны комиссиялӧн, сыӧн артмӧдӧм недыр кад чӧж уджалысь группаяслӧн уджӧ, кытчӧ найӧ пырӧны. Комиссияӧ пырысь юӧртӧ комиссияӧн веськӧдлысьлы либӧ сылысь кывкутана могъяс недыр кадколастӧ олӧмӧ пӧртысьлы сы йылысь, мый сійӧ оз вермы локны комиссиялӧн, недыр кад чӧж уджалысь группалӧн заседание вылӧ;

2) збыльмӧдны комиссиялӧн уджалан нырвизьяс серти комиссиялысь, комиссияӧн веськӧдлысьлысь тшӧктӧмъяссӧ, пыртны коланлун дырйи тайӧ тшӧктӧмъяслӧн сюрӧс серти вӧзйӧмъяс;

3) юӧртны комиссиялысь либӧ сыӧн веськӧдлысьлысь тшӧктӧмъяссӧ збыльмӧдан бӧртасъяс йылысь комиссияӧ;

4) пырӧдчыны комиссиялӧн уджалан нырвизьяс серти комиссиялысь да Каналан Сӧветлысь помшуйӧмъяс олӧмӧ пӧртӧмсӧ котыртӧмӧ да сы бӧрся видзӧдӧмӧ.